

PRISCA ORNAMENTA  
DIGNITATIS

OLIM LABEFACTATAE STRENUVEQVE TRECENTIS ABHINC  
ANNIS VINDICATAE

VIRO

PER-MAGNIFICO MAXIME STRENUO  
GENEROSO AMPLISSIMOQVE

DOMINO

IOANNI  
WILMSONIO

CONSVLI HACTENVS GRAVISSIMO MVNI-  
MENTORVM VRBIS CVRATORI ET PROVENTVVM  
S. R. M. POL. PORTORII PRAEFECTO

VIGILANTISSIMO

IAM CREATO

PRAE-CONSVLI

ET

OFFICII PVPILLARIS CVRATORI

INTEGRIS ADHVC IVRIBVS

AB

AMPLISSIMO SENATV

DIE XXVII. MARTII A. MDCCLIII

CONCESSA

VENERABVNDIS MENTIBVS


GRATVLANTVR

MVSAE ELBINGENSES

INTERPRETE

IOANNE DANIELE HOFFMANNO

CONRECT. PHILOS. PRACT. ET HIST. PROF. PVBL.





Nec saeva fasces fulmina territant,  
Nec dignitatem vis truculentior  
Quassat; manu, PRAECONSVL, orbos  
Intrepida cape nunc honores.

Limata virtus horret atrocia,  
Contaminatis nescia legibus  
Regnare; gentes gaudet aequa  
Imperio tenuisse lance.

Hoc belluinis effera caedibus  
Mens audet, aequi rumpere pertinax  
Sancita, tranquilloque cius  
Subdere colla iugo proterue.

Ferruminatis non iaculis Getes  
Bellax in hostem proruit acrius;  
Non Aestiorum Jazygumque  
Tela magis glomerata laedunt.

Saeuire durum est in sua viscera;  
Emancipatis reddere, quod suum  
Est cuique, lex fert sempiterna,  
Haud valitura, nisi profanis:

Sacratiori foedere stringitur,  
Quos iure nexos esse iubet pari  
Immota iunctorum voluntas,  
Nec temerare fidem probatam.

Ast saepe frustra Palladium sacrum  
Aufferre fallax aggreditur dolus;  
Tarpeia cautes tuta stabit  
Turbine vel rabido furente.

Pars laesa victrix sustinet hostibus  
Ictus timendos; victima Caesar est,  
Lapsura dum fractam salutem

Arui opimis ORDO ferociens  
Conculcat omnes, quas dederat probis  
Leges colonis, ciuiumque  
Foedera dispereunt soluta.

Truncata foedant corpora limina,  
Queis hospitatur luxuries procax,  
Consperſa ferali cruore,  
Villa domusque truci igne fumant.

Ebullientis mentis atrocitas  
Fastigiatis fascibus inuolat,  
Caliginosis ciuitatum  
Iura decusque premens tenebris.

Lassata virtus, vindice NVMINE  
Lasciuientis nequitiae, vigil  
Rerum suarum, concitatos  
Fortiter ausa mouet lacertos.

Iam castra, sedes faeuitiae, ruunt,  
Disiecta flammis Acroceraunia  
Ceu membra squalescunt reuulsa  
Irreparabilibus ruinis.

Iactat minaces viribus aemulis  
Hastas reluctans accola Viſtulae  
Extorris, incassum dolosa  
Arte lares repetit tuendos.

En! pandit ales Sarmaticus cito  
Pennas volatu, quem populus sui  
Iuris ciebat sponte, tuto  
Tegmini & auxilio futurus.

Fidenter audens mite subit iugum  
Ciuis; cruoris prodigus ac opum,  
Ut vindicet priscam salutem &  
Sidera prosperiora surgant.

Deuota scepro PRINCIPIS optimi  
DRVSIS recludit pectora, fornice  
Portas cauernoso patentes,  
Et sua pignora faustitatis.

Densata stipant agmina principum,  
Pompa superbus cum graditur nouus  
AVGVSTVS ad ciues fideles,  
Gratia cui comes est coruscans.

Omnis recuruo PRUSSIA poplite  
REGEM salutatur, non temerans fidem,  
Qui firmat auctas dignitates,  
Iuraque salua iubet priora,

Sic ille splendor luce noua nitet;  
Iam prominentes fascibus asciae  
Splendent acutae: & principatus

Longis refulsit temporibus iubar,  
Ac vsque fulget, dum vibrat aurea  
**AVGVSTVS** alter scepra, molles  
Imperii moderans habenas.

Formidoloso marmora detument  
Aestu, carinam iam placido mari  
Rectrix gubernat, vecta coelo,  
Alma Themis, metuenda Diris.

Escende tuto fulgidior gradu  
Sellam curulem; consilium TIBI,  
**PRAECONSUL**, est praesto, salutem  
Fluctiuagae patriae tueri.

Desert merenti **CONCILIVM PATRVM**  
Fasces vetusto more, redintegrans  
Quod iure fas est, dignitatis  
Ut documen veteris perennet.

Praestas auitis dotibus, & fides  
Et candor ingens & pietas nitent,  
Ac visa fraudi captiosae  
Incutiunt tacitum pudorem.

Frontis seuerae conspicuum decus  
Fraenat potentes nequitiae dolos:  
Et lactat illos comitate,  
Qui probitatis amore flagrant.

Nunc opprimenti praesidium nouum  
Sperare fas est; saecula iam fluunt  
Terfausta largis rore riuus,  
Paxque fidesque volant per astra.

His nixa floret patria, depluunt  
Auro corusci fideribus poli,  
Et res labantes restitutae  
Nunc referunt veterem nitorem.

Haud TE laceissent fata perardua;  
Felicитatis signa diutinae,  
Impressa communi saluti  
Germinibusque TVIS, nitebunt.

Sublime nomen tollere gestient  
Seri nepotes laudibus; & TVO  
In se fauori suauiore  
Arte melos recinent Camoenae.

